

Përfaqësues të SHBA-ve vizitojnë "SOS fshatin"

## Ambasadori dhe marinsat në aksion humanitar

Shkup, 24 dhjetor - Ambasadori Amerikan në Maqedoni, Filip Riker, së bashku me pjesëtarë të gardës së marinsave amerikan, të cilët punojnë dhe veprojnë në kuadër të ambasadës, kanë vizituar fshatin e fëmijëve jetim SOS në Shkup. Përfaqësuesit amerikan kanë ndarë çaste festive me fëmijët, të shoqëruar nga kënga dhe vallëzimi, kështu që për disa momente fëmijët nuk e kanë ndier veten të vetmuar. Manifestimi është mbajtur në prag të festave të fund vitit. Ambasadori Riker u ka dhuruar fëmijëve dhurata të cilat ua ka dorëzuar Plaku i Vtit të Ri. Vizita e ambasadorit Riker është shndërruar në tradicionale, pasi ai së bashku me gardën e marinsave i viziton këta fëmijë që nga viti 2005. "Kjo vizitë përmua, për bashkëshorten time, dhe Ambasadën Amerikane paraqet një



rëndësi të veçantë të jetës time dhe është një eveniment mjaftë domethënës. Si çdo vit, edhe këtë fund vit kemi arritur të vjmë dhe në këto momente festive para fundit të vitit, ti gëzojmë këta fëmijë, dhe kjo ditë të jetë një ditë e veçantë kur fytyrat e tyre do të buzëqeshin. Sadopak të mundohemi ta mbushim atë mungesë të cilën këta fëmijë e kanë gjatë tërë jetës

së tyre", tha ambasadori Riker. Nga kjo vizitë shumë të kënaqur u ndanë edhe fëmijët nga fshati SOS, të cilët kanë falënderuan ambasadorin për vizitën, ndërsa i përcollën me përqafime së bashku marinsat dhe Plakun e Vtit të Ri. Juliana Gafo, drejtoreshë e organizatës "SOS fshati i fëmijëve për Maqedoni", ka theksuar vizita po shndërrohet në

tradicionale dhe ka shumë rëndësi për inkurajimin e fëmijëve. "Kjo vizitë është shumë e rëndësishme përfëmijët e këtij fshati, sepse pikërisht para festave të vitit të ri, po arrin që në zemrat e tyre të ringjallin një klimë dhe një frymë shumë pozitive, shumë familjare. Përfëmijët ishin shumë të rëndësishme edhe dhuratat të cilat i kanë pranuar nga ambasadori Riker, marinsat amerikan si dhe nga Plaku i Vtit të Ri. Fëmijët tërë kohën kanë kërkuar që vizita të tillë të bëjnë edhe personalitetet e tjera, si të jetës politike, të kulturës, me qëllim që të njëjtit të mos ndjehen të vetmuar", ka theksuar Gafo. Në fshatin e fëmijëve aktualisht qëndrojnë afér 80 fëmijë, kurse jetimorja është pjesë e një familje të madhe të "SOS familjeve Evropiane", të cilat funksionojnë në 132 shtete të botës.